

AFERA

Ministrica iz SDA štima djeveru posao težak 50 miliona KM!?

Posao iz 2018. godine i ugovor otprije nekoliko dana uvod u veliku namještajku

M. Ajnadžić / Avaz.ba
17.09.2020 15:48



Glamoč: Tvrdi da ne pogoduje firmi svog djevera

Firma u vlasništvu Armina Glamoča, djevera ministrice komunalne privrede i infrastrukture Kantona Sarajevo Nihade Glamoč (SDA), dobila je u novembru 2018. godine posao nabavke rasvjetnih tijela za kompaniju u državnom vlasništvu „Sarajevogas“, gdje je u to vrijeme upravo Glamoč bila direktorica. **Posao težak 34.983 KM firma „Luminos“ dobila je jer se jedina prijavila na tender, saznaje „Dnevni avaz“, a na osnovu uvida u dokumentaciju koja je objavljena na internet-stranici Vlade Kantona Sarajevo.**

Ali to je, čini se, samo uvod u mnogo dublju priču o višegodišnjem poslu teškom više od 50 miliona KM! Kako saznajemo, protiv Glamoč i još nekoliko osoba ovih dana podnesena je i krivična prijava Tužilaštvu Kantona Sarajevo.



Član 7.

Prodavac je u obavezi da u roku od 7 (sedam) dana nakon dobivanja narudžbe od kupca izvrši isporuku tražene robe. Za svaki dan kašnjenja u isporuci kupac će zaračunati penale u iznosu od 1%, s tim da ukupan iznos penala ne može biti veći od 5% ukupne vrijednosti ugovora.

Član 8.

Ukoliko kupac u ugovornom roku iz člana 4. ovog ugovora ne plati cijenu za isporučenu robu obavezan je prodavcu isplatiti i zateznu kamatu u skladu sa zakonom i drugim propisima koji uređuju ovaj institut.

Član 9.

Ovaj ugovor se zaključuje na period od 1 (jedne) godine počev od dana potpisivanja istog. U slučaju raskida ugovora, ugovorna strana koja traži raskid ugovora obavezna je da o svojoj namjeri obavijesti drugu ugovornu stranu sa otkaznim rokom od 30 (trideset) dana.

Član 10.

Ugovorne strane su saglasne da prodavac neće zapošljavati, odnosno angažovati fizička i pravna lica koja su učestvovala u pripremi tenderske dokumentacije ili bili angažovani kao članovi ili stručna lica u Komisiji za nabavke. Ograničenja u smetnji iz stava 1. ovog člana traju 6 (šest) mjeseci od dana zaključivanja ugovora.

Član 11.

Na sve odnose i institute koji nisu navedeni u ugovoru, a pojave se prilikom realizacije, primjenjivaće se odgovarajuće odredbe Zakona o obligacionim odnosima.


Član 12.

Ovaj Ugovor stupa na snagu danom potpisivanja od strane obje ugovorene strane, a sačinjen je u 5 (pet) istovjetnih primjeraka, od kojih kupcu pripada 3 (tri) primjerka a prodavcu 2 (dva) primjerka.

Član 13.

Sve nesporazume do kojih dođe u realizaciji ovog Ugovora, a koji se ne mogu riješiti u duhu dobrih poslovnih odnosa, rješavaće nadležni sud u Sarajevu.

Za Prodavca:



Direktor, Aida Iković





Broj i datum ugovora, 1159/2018.

12.11.2018. godins

Za Kupca:


Direktor Preduzeća
Mr.sc. Nihada Glamoč, dipl.ing.maš.


Izvršni direktor
Mr. Mehmed Mehović, dipl.oec.



Ugovor koji je potpisala Glamoč s firmom svoga djevera kao direktorica "Sarajevogasa" iz novembra 2018. godine

FOTO: AVAZ

Privatni biznis

Sudeći prema dokumentaciji koja je javno dostupna, osnovne činjenice u pogledu tendera su jasne - Glamoč je potpisnik ugovora s firmom u vlasništvu njenog bliskog srodnika. No, prijavitelji ističu u prijavi upućenoj glavnoj tužiteljici KS Sabini Sarajliji da je to samo uvod u namještanje posla vrijednog čak više od 50 miliona maraka, koliko će, kako se procjenjuje, koštati višegodišnji projekt zamjene rasvjetnih tijela za javnu rasvjetu u Kantonu Sarajevo.

The screenshot shows the website of the Business Register of Bosnia and Herzegovina. The header includes the text 'Registri poslovnih subjekata u Bosni i Hercegovini' and the logo 'Pravosudje.ba'. Below the header, there are navigation links: 'Pretraga registara poslovnih subjekata', 'Relevantni propisi', and 'Kontakt'. The main content area is titled 'Rezultati osnovne pretrage: Podaci o osnivačima'. It displays a table with the following information:

Osnovne informacije	
Uprava	MBS: 65-01-0016-16
Kapital	Naziv: Luminos d.o.o.
Djelatnosti	
Podružnice	
Supsidijar	
Vanjska trgovina	
Napomene	

Below the table, there is a section for 'Osnivači - fizička lica' with the following data:

Ime osnivača	ARMIN GLAMOČ
Kapital [ugovoreni]	10000
Kapital [uplaćeni]	10000
Dionice [broj]	-

At the bottom of the page, there is a section for 'Osnivači - pravna lica' with the text 'Nema podataka za osnivače - pravna lica.' and a page number '1 - 1'.

Armin Glamoč registriran kao vlasnik firme "Luminos"

FOTO: PRINTSCREEN

Glamoč je jučer za „Dnevni avaz“ rekla da nije upoznata s prijavom, ali je potvrdila da joj je vlasnik kompanije koja je dobila tender srodnik.

- Sve to što je navedeno ne da su neistine, to su notorne laži. To je ono što vam ja mogu odgovoriti, a naravno da svako može da piše šta god želi. Naravno, ako ima i dokaze i po tom sistemu bilo šta, samo neka izvoli i neka radi. Moj djever ima firmu ne znam ni ja otkad, u privatnom je sektoru otkad ga ja znam. I prije je vodio privatni biznis, samo što nije bio moj djever. Drugo, nikakav tender nisam nabacila da bi moj djever prišao meni. Ne znam ko može takvu glupost da izmisli - kazala je Glamoč.

Red ugovora



Glamoč na potpisivanju ugovora 11. septembra ove godine

FOTO: VLADA KS

No, u krivičnoj prijavi se navodi da je još jedan ugovor, i to onaj potpisani prije samo nekoliko dana, 11. septembra ove godine, povezan te da dokazuje da Glamoč direktno pogoduje grupi firmi.

- Način kako Glamoč pogoduje firmi i zbog čega se može prijaviti samo jedna firma na tender je sljedeći - „Sarajevogas“ d.o.o. u startu sklopi ugovor s jednom firmom koja koristi softver za nabavku i implementaciju geoinformacionog sistema (GIS) kojem se, osim softverskog održavanja plinske infrastrukture, dodaje modul za zamjene i održavanje rasvjetnih tijela. U GIS softver modelu za održavanje LED rasvjete se bukvalno tehnički „nacrtat“ firma za postavljanje i održavanje LED rasvjete - piše u prijavi.

Nadalje, tvrdi se da Glamoč ovih dana potpisuje ugovor za nabavku GIS sistema javne rasvjete KS vrijedan 237.510 KM.

- Nakon toga će se u GIS softveru nacrtati ponovo porodična firma „Luminos“ d.o.o., koja bi po planu isporučila novu LED rasvjetu. Samo sada, umjesto u „Sarajevogasu“, direktno Kantonu Sarajevo preko Ministarstva komunalne privrede i infrastrukture, i to po planiranim vrijednostima za naredne dvije godine više od 50 miliona KM - navodi se u prijavi.

- Krajnji cilj navedenog udruženog kriminalnog poduhvata ove KRIMINALNE ORGANIZACIJE na čelu sa sadašnjom Ministricom u Vladi KS NIHADOM GLAMOČ i firmi LUMINOS, LED VISION, GAUSS, IMEL nije bio posao i postavljanje LED rasvjete u kompaniji Sarajevogasi? Krajnji cilj je puno vrijedniji projekat, projekat vrijednosti preko 50 miliona KM - JAVNA RASVJETA Kantona Sarajevo pod direktnim rukovođenjem Ministrice komunalne privrede i infrastrukture u Vladi KS Nihade Glamoč.
Dana 11.09.2020. Ministrica u Vladi KS Nihada Glamoč, po već viđenom receptu kriminala iz Sarajevogasa u doba kada je bila direktorica istog preduzeća, ponovno pogoduje prvo firmi GAUSS doo Tuzla i IMEL doo LUKAVAC i potpisuje ugovor za nabavku GIS sistema javne rasvjete Kantona Sarajevo vrijedan od nestvarnih 237.510,00 KM . Nakon toga će se u GIS softveru nacrtati ponovno porodična firma Ministrice Nihade Glamoč, LUMINOS doo u vlasništvu njenog djevera Armina Glamoča, koja bi po planu isporučila novu LED rasvjetu samo sada umjesto u Sarajevogasu, direktno Kantonu Sarajevo preko Ministarstva komunalne privrede i infrastrukture i to po planiranim vrijednostima za narednih 2 godine preko 50 miliona KM.
Plan je da se obične elektro rasvjete zamjeni u LED rasvjetu u dvije faze. Prva faza je ugradnja LED rasvjete na području općina Hadžići i Vogošća u vrijednosti od preko 5 miliona KM. U drugoj fazi bi se ugradila LED rasvjeta na području cijelog Kantona Sarajevo.
Ukupan broj rasvjetnih tijela u Kantonu Sarajevo je preko 44.000 komada stubova vrijednosti LED rasvjetnih tijela preko 50 miliona KM.

Za realizaciju projekta zamjene i ugradnje LED rasvjete u Kantonu Sarajevo ove KRIMINALNE ORGANIZACIJE, već su od strane Ministrice Nihade Glamoč planirane firme LED VISION doo Lukavac za proizvodnju LED rasvjete, LUMINOS doo Sarajevo ugovorni zastupnik LED VISION doo Lukavac firma zadužena za poslove ugradnje i tehničkog održavanja LED rasvjete. Luminos doo je porodična firma Ministrice Nihade Glamoč u vlasništvu djevera Armina Glamoča.

Za softversko održavanje GIS sistema će biti angažirana firma GAUSS doo Tuzla i IMEL doo Lukavac, kao i u Sarajevogasu po već uređenoj matrici sa već potpisanim ugovorom za GIS sistem javne rasvjete Kantona Sarajevo u vrijednosti od 237.510,00 KM u namještenom tenderu za GAUSS doo od strane Ministarstva komunalne privrede i infrastrukture pod direktnim upravljanjem Ministrice Nihade Glamoč.

UPOSLENICI KANTONA SARAJEVO

U prilogu Krivične prijave protiv ove KRIMINALNE ORGANIZACIJE dostavljamo:

- Ugovor o nabavci rasvjetnih tijela Sarajevogas doo – Luminos doo
- Odluku Sarajevogasa o dodijeli ugovora Luminos doo
- Dokaz o vlasništvu Luminos doo vlasnika Armina Glamoča- djevera Ministrice Nihade Glamoč
- Dokaz o dodjeli ugovora Ministarstvo komunalne privrede i infrastrukture sa firmama GAUSS DOO i IM DOO vrijednosti 237.510,00 KM

Faksimil krivične prijave koja je stigla na našu adresu

FOTO: AVAZ

Glamoč negira nezakonitosti

Glamoč u izjavi za „Avaz“ tvrdi da nije tačno da je pogodovala firmi svog djevera.

- Nikakve dodirne tačke taj potpisani tender (od 11. septembra 2020., op. a.) nema s odlukom otprilje nekoliko godina. Pa dobro, jeste mi djever, ali kakve veze ima ta firma s projektom u Ministarstvu? I kakve neko ima halucinacije da bih ja mogla nešto da raspišem, bilo šta što bi moglo dovesti do mog djevera - kaže kantonalna ministrica.

Tagovi

Nihada Glamoč Kanton Sarajevo Afere

Vežane vijesti